

## ԹԵՂՈՒՏԻ ԲՆԱԿԱՏԵՂԻՆ

Հայկական լեռնաշխարհի վաղ երկրագործական անասնապահական ուշ նորբարեդարյան-պղնձեթարեդարյան բնակատեղիներից առավել ուշագրավ են Արարատյան դաշտի հողարձանները։ Դրանցից մեկը գտնվում է Էջմիածին քաղաքից 3 կմ հարավ, թեղուտ կոչվող հանդամասում։

Սկսած 1965 թ. ՀՍՍՀ ԳԱ Հնագիտության և ազգագրության ինստիտուտի՝ հետախուզական հնագիտական զոկատը սիստեմատիկ ուսումնասիրության ենթարկեց Թեղուտ հանդամասի տարածքը։ Երեք տարվա աշխատանքների ընթացքում զոկատը հայտնաբերեց և հետազոտեց Արարատյան դաշտի այդ բարերեր մասում ժամանակագրորեն իրար հաջորդող մի քանի հնագիտական կոճպակեբներ, որոնցից առավել ուշագրավ են մ.թ.ա. IV հազարամյակի բնակատեղին մնացորդներ։


Թեղուտի բնակատեղին տեղակրոված է Արարատյան հովտի ամենաբարերեր մասերից մեկում՝ Քասախ գետի նախկին հոսմի ձախ ափին, երեք ոչ բարձր խճաքարեր բլուրների վրա, էջմիածնի Մոխրաբլուր (Քյուլ-թափա) բլուր-բնակատեղից 3 կմ հյուսիս։

Բնակատեղին ունի աշխարհագրական հետևյալ մոտավոր դիրքագրումը. 40°, 9' հյուսիսային լայնություն, 44°, 4' արևելան երկարություն։ Տեղանքի առավելագույն բարձրությունը շրջապատի հարթությունից 1—2 մետր է, իսկ գետի նախկին հոսմի մակերեսից՝ 4 մետր։ Հնավայրի հայտնաբերումը կապված է նրա տերիտորիայում կատարված հողային աշխատանքների հետ, որոնց հետևանքով բնակավայրի մեծ մասը, դժբախտաբար, ավելի էր, Տեղուտ առաջացել էին 3,5—4 մ. խորություն ունեցող փոսեր, որոնք յուրովի փոխարինեցին հողարձանի շերտագրական կառուցվածքը բացահայտող խրամատներին։

Հուշարձանի պահպանված հատվածների ուսումնասիրությունից պարզը վեց, որ բնակատեղին զբաղեցրել է շուրջ 3,5 հեկտար տարածություն։ Նրա մակերեսույթը ծածկված է 20—25 սանտիմետրանոց ամուր, աղակալած հողաշերտով, որից ցած, ընկնում է գեղին, շիկավուն խճաքարի հետ խառնված կավի բավական զգալի շերտ (հզորությունը 0,7—1,7 մ՝ նայած տեղանքի դիրքին)։ Ահա այս շերտի մեջ էլ գտնվում են բնակատեղիի հյուղակների

<sup>1</sup> Տեղանքը Թեղուտ է կոչվում այն պատճառով, որ այն մտել է Ներսես Աշտարակեցի կաթողիկոսի կողմից էջմիածնում հիմնադրված ծառաստանի տարածքի մեջ։ Թեղուտ ծառերից բաղկացած այդ անտառը ոչնչացվել է 1915—16 թվականներին։ Զնայած թեղիների անտառը այլևս գոյություն չունի, այնուամենայնիվ նրա անունը պահպանվել է էջմիածնեցիների մոտ, որպես երբեմնի անտառի տարածության անուն։

ԹԵՂՈՒՏ  
ԷՆԵՐԵԳԻՅԱՆ ԲԱԿԱՏԵՐ



Նկ. 1. Թեղուտի էներլիթյան բնակատեղին:

մնացորդները, որոնք կառուցված են 2,5 մետր հաստություն ունեցող գետային խճաքարի ավազախառն շերտի վրա:

Թեղուտի բնակատեղին զորկ է պարսպապատից և պատկանում է բաց տիպի բնակավայրերի թվին: Պեղված հատվածների հյուղակների մնացորդները ցուց են տալիս, որ բնակավայրը բաղկացած է եղել ոչ մեծ, կոր հատակագծով (2,6—3,5 մետր տրամագծով) առանձին կանգնած կիսագետնափոր կացարաններից ու նրանց մոտ գտնվող նույնպես կլոր, փոքրիկ (1—1,3 մ տրամագծով) պահեստ-հորերից: Սրանք տեղավորված են հնավայրի տերիտորիայում, մի քանի խմբերով:

### ԱՌԱՋԻՆ ՏԵՂԱՄԱՍ

Պայմանականորեն առաջին անվանված տեղամասը գտնվում է հնավայրի պահպանված մասի կենտրոնում: Նրա տարածությունը կազմում է շուրջ 1000 քառ. մետր: Պեղումների միջցոցով այստեղ հայտնաբերվել են հինգ առանձին կառուցված կիսագետնափոր կացարանների մնացորդները, որոնք տեղավորված են շուրջ 400 քառ. մետր տարածության վրա: Հյուղակներն իրենց մեջ ներառում են բավական ընդարձակ՝ բնակարաններով շզբաղեցրած տարածություն, որը հավանաբար եղել է բակ կամ հրապարակ:


Առաջին կացարան—Տեղավորված է տեղամասի հյուսիս-արևելյան անկյունում: Նրա կեսից ավելին հայտնաբերման ժամանակ ավերված էր: Կացարանի պահպանված մասը խորացված էր գետինի մեջ՝ 1,6 մետր: Վերին՝ 20—25 սանտիմետրանոց շերտում նյութական մշակույթի մնացորդները շատ քիչ են, իսկ բուն շերտը (1, 4 մ) բաղկացած էր այրված հողի, մոխրի, զանազան իրերի ու առարկաների բազմաթիվ ամբողջական ու կոտրատված նմուշներից (նկ. 2):

Կացարանի պատերը կառուցված էին 10 սմ. Հաստություն ունեցող կավածնիվ, որը սահուն անցումով միանում էր գետային խճաքարի շերտի վրա գրված, նույնպես ծեփածո հատակի հետ: Բնակարանի հատակի տրամագիծը 2,6 մ է: Նրա հատակի հյուսիսային մասում հայտնաբերվեց հարդախառն կավաշաղախից պատրաստված պատի ուղիղ երւստ (լայնությունը 10 սմ, բարձրությունը՝ 40, երկարությունը՝ 70), որը շարունակվում էր նաև կացարանի՝ շրջանագծից դուրս: Շինարարական այս մանրամասի նշանակությունը շպարզվեց, քանի որ նրա մեծ մասը չկար: Բացի այդ, մյուս կացարաններում նման պատեր չգտնվեցին: Թվում է, որ այն արտաքին հենապատի մի հատված է Թեփե-Գավրայի XIX—XVI շերտերում հայտնաբերվածների նման<sup>2</sup>:

Կացարանի ներսում թափված կավաշաղախի բեկորներից մի քանիսի վրա նկատվեցին բնական կարմիր ներկի հետքեր (օխրա), որոնք վկայում են նրա՝ ներսից ներկված լինելու մասին: Շինարարական այլ մանրամասներ կացարաններում շեն պահպանվել, Փոքրիկ, գետնափոր հյուղակից գտնված նյութական արտադրության մնացորդների հավաքածուն կազմված է վանակատե (օբսիդիան) ու կայծքարի գործիքներից, ուկրե առարկաներից ու խեցեգործական արտադրանքների բազմաթիվ նմուշներից: Ինչպես այս կացարա-

<sup>2</sup> A. Tobler, Excavations at Tepn Gawra, II, Philadelphia, 1950.

նում, այնպես էլ հետագայում բացվածների մեջ հայտնաբերվեցին վանակատից ու կալծքարից պատրաստված բազմաթիվ կանոնավոր ներդիրներ, ինչպես նաև անկանոն բեկորներ ու ցլեփներ, որոնցից առավել խոշորների վրա նկատվում են աշխատանքի հետքեր՝ կողերի փոքրիկ պոկվածքների ձևով:



Նկ. 2. Թեղուտի Ի կացարանի հատակագիծը և շերտագրական կտրվածքը:

Քարից պատրաստված աշխատանքային գործիքների մեջ ուշագրավ է նաև մի կողմից քիչ շաղափված, գնդաձև գետագարը (ԷԳԹ 775): Թվում է, որ այն պետք է լինի գուրգի վուկի, որպիսիք հայտնի են նորքարեդարյան-պղնձեքարեդարյան բազմաթիվ բնակատեղիների պեղումներից: Այս կոմպլեքսի մեջ են մտնում նաև ողորկ մակերեսով մի գետագար, որն օգտագործվել է որպես կոկիչ, ինչպես նաև հրաբխային խարամից պատրաստված տարրեր ձևի քերիչ-տրորիչները:

Աշխատանքային գործիքների մի զգալի մասը պատրաստված է կենդանիների սննմանի ուսկրներից: Սրանք ծակիչներ են, հերուններ (ԷԳԹ 865):



Հայտնաբերված գործիքների շարքում առանձնահատուկ ուշագրության են արժանի պղնձից պատրաստված ասեղների բեկորները, որոնցից մեկը կորվածքում օվալաձև է, իսկ մյուսը՝ քառակող (մետաղլա առարկաների մանրամասն նկարագրությունը տե՛ս «Մետաղլա առարկաներ» բաժնում):

Առաջին կացարանի նյութերի մեջ ամենից բազմաքանակը խեցեղեն առարկաների բեկորներն են, որոնք ըստ կավի բաղադրության ու հորինվածքային ձևերի ստորաբաժանվում են զանազան խմբերի: Սրանք կճունների:

<sup>3</sup> Թեղուտի բնակատեղիի հնագիտական նյութերը պահպամ են էջմիածնի գալառագիտական թանգարանում և ունեն թանգարանային հետեւյալ ձևի ցիֆրը ԷԳԹ Մ. Մ. և այլակցիա № 1: Այն համառոտագրել ենք (ԷԳԹ ... ձևով):

թասերի, ափսեների, մեծ ու փոքր կարասների բեկորներ են, որոնք ունեն կարմիր ու գեղին երեսապատված մակերեսներ: Շատ են նաև հասարակ խեցու ավաղախառն կավաշաղախ ունեցող բեկորները, որոնցից երեքի ներսի կողմում պահպանվել են գործվածքի դաշվածքի հետքեր (էջմ 801):

Ուշագրավ են շքեղ տեսքով, խնամքով մշակված մակերիս ունեցող անոթները և գունազարդ խեցու բեկորները:



Նկ. 3. Թեղուտի II կացարանի հատակագիծը և կտրվածքը:

Առանձնապես պետք է նշել հասարակ ավաղախառն կավից պատրաստված սկզբանություն կավամանների բեկորները, որոնք իրենց ձևերով հեռավոր նմանություն ունեն Հայկական լեռնաշխարհի վաղ բրոնզեդարյան (մ.թ.ա. III հազարամյակ) խեցեղենի հետ:

Երկրորդ կացարան—Կառուցված է առաջինից 5 մ հարավ, մոտավորապես մինչնույն առանցքի վրա: Նրա շինությունից պահպանվել է միայն պատի արևմտյան հատվածը՝ հատակի հետ միասին: Այս կացարանը, առաջինի

նման, կլոր հատակագիծ ունեցող կառուցք է, որի հատակի խորությունը գետնի մակերևութից հավասար է 0,80 սմ, իսկ ընդհանուր տրամագիծը՝ 3,5 մ: Կավաշաղախով պատրաստված հատակը նստած է գետային խճաքարի շերտի վրա, որի մակարդակը այստեղ ավելի բարձր է, քան առաջին կացարանի հատվածում: Այս հյուղակի շինարարական տարրերի առանձնահատկությունն այն է, որ նրա պատը կառուցված է ոչ թե կավաշաղախով, այլ ուղղանկյուն, կանոնավոր հարթ աղյուսների մի շարքով, որոնք վեր են բարձրանում համապատասխանաբար մեկը մյուսին կավվելով: Պատի պահպանված մասի բարձրությունը 0,8 մ է, այն բաղկացած է 7 շարք իրար վրա գրված ու կավաշաղախով միացված հում աղյուսներից: Աղյուսներն ունեն հետևյալ չափեր՝  $10 \times 30 \times 40$  սմ, իսկ կավաշաղախի հաստությունը՝ 2–3 սմ է: Աղյուսի պատը ներսից ծեփված է հարդախառն կավաշաղախով, որը սահուն անցումով միանում է հատակի հետ, իսկ պատի արտաքին երեսը հենված է հողին (նկ. 3):

Հյուղակի հատակի վրա՝ արևմտյան պատին կից, բացվեցին մի քանի կիսաշրջած աղյուսների բեկորներ, որոնք, հավանաբար, նստարանի մնացորդներ էին:

Կացարանում հայտնաբերված նյութական մշակույթի մնացորդները քիչ են, բայց ընդգրկում են քարե, ոսկրե գործիքների ու խեցեղեն առարկաների այնպիսի նմուշներ, որոնք էականորեն լրացնում են թեղուտի հնագիտական նյութերի կոլմալեքսը:

Քարե գործիքներից ուշագրավ են վանակատե ներդիրները (ԷԳԹ 946, 2217), որոնց կողերը աշխատանքի հետևանքով փոքրիկ հանվածքներ ունեն: Բացի ներդիրներից, այստեղ հայտնաբերված է վանակատ-գետաքար, որը ծառայել է որպես տրորիչ (ԷԳԹ 800): Սրա վրա պահպանվել էին կարմիր ներկի մնացորդներ:

Ոսկրե գործիքներից գոտնվել են ասեղների ու ծակիշների բեկորներ:

Խեցեղեն առարկաների մնացորդները իրենց ձևերով, մակերեսների մշակումով ու կավաշաղախի բաղադրությամբ նման են առաջին կացարանում հայտնաբերվածներին: Այդուհանդերձ կան նաև տիպեր, որոնք զատվում են նշվածներից:

Այդպիսիներից մեկը (ԷԳԹ 1683) հասարակ կճումի բեկոր է, որի իրանի ուսերը զարդարված են մուգ-սրճավուն ներկով նկարված եռանկյունիներով:

Կան բեկորներ, որոնց արտաքին կողմի վրա պահպանված է խսիրի դաշվածք:

Թեղուտի ողջ հավաքածուի մեջ եղակի նմուշ է ԷԳԹ 1965 խեցանոթը: Նրա իրանի ուսերը զարդարում է սեղմումով արված կիսալուսաձև փոսիկների շարքը: Հետաքրքիրն այն է, որ այս կավամանը պատրաստվել է պտտման եղանակով, դուրգնի կամ ինչ-որ այլ հնարանքի օգնությամբ:

Երկրորդ կացարանից հայտնաբերված խեցեգործական արտադրանքների նմուշների մեջ իսկական գլուխգործոց էր կենդանու փոքրիկ արձանիկը, որը Հայաստանի մ.թ.ա. IV հազարամյակի նյութերում առայժմ եղակի է: Արձանիկը պատրաստված է ավաղախառն կավից: Թրծվածքը անհավասար է: Այն իր ընդհանուր կոնֆիգուրացիայով ավելի շատ հիշեցնում է գիշատշի (արշ): Արձանիկի հայտնաբերումը խոշոր նշանակություն ունի թեղուտի երկրագործների կենցաղը և սովորությունները ուսումնասիրելու համար:

Նման փոքրիկ արձանիկներ հայտնաբերված են նաև Առաջավոր Ասիայի նորբարեգարյան-պղնձեքարեգարյան մի շարք բնակավալրերում, որոնք թվագրվում են մ.թ.ա. VI—IV հազարամյակներով։ Դրանցից են Զառմոն (Հյուսիսային Իրաք)<sup>4</sup>, Յումուկ-թեփեն (Կիլիկիա)<sup>5</sup>, Պիշլի-թեփեն (Իրան)<sup>6</sup>, Չաթալ-Հուլուկը (Թուրքիա)<sup>7</sup> և այլն։ Թվում է, որ ինչպես այստեղ, այնպես էլ մեզ մոտ արձանիկները վկայում են ավելի հնագույն ժամանակաշրջանների որսորդության հետ կապված սովորությունների մասին։

Երբեք կացարան—Տեղավորված է երկրորդից 10 մ հարավի Նրանց միշտ եղած տարածությունը, ինչպես պարզվեց ստուգողական խրամատից և մակերեսի շերտի հեռացումից, ժամանակին կառուցապատված չի եղել և օգտագործվել է իրեն բակ։ Կացարանից պահպանվել է միայն հատակի մի հատվածը 20 սմ։ Մշակութային շերտով՝ Հատակը ընկած է գետնի մակերեսից մեկ մետր խորության մեջ և պատրաստված էր կավաշաղախով։ Տրամագիծն է 2,6 մ։ Ի տարրերությունն առաջին երկու կացարանների, այստեղ աղյուսներով կամ շաղախով կառուցված պատի մնացորդներ չեն հայտնաբերվել։ Մշակութային շերտում հայտնաբերված իրերի հավաքածուն բաղկացած է հասարակ, կոպիտ կավից պատրաստված կավամանների բեկորներից, որոնց մեջ հիշատակության է արժանի միայն քամիշի բեկորը (Էդթ 698)։

Պորբորդ կացարան—Տեղավորված է երրորդից երկու մետր արևմուտք։ Պահպանվել է միայն մոխրի բարակ շերտով ծածկված հատակը։ Նյութական մշակութի հիշատակության արժանի մնացորդներ չեն հայտնաբերվել։ Բայց երեսութիւն այս հյուղակը լրվել է մյուսներից ավելի վաղ։ Հատակի տրամագիծը մոտավորապես երեք մետր է, իսկ խորությունը՝ մեկ մետր։

Հինգերորդ կացարան—Տեղավորված է կենտրոնական բլրի արևմտյան լանջին, չորրորդ կացարանից 4,7 մ դեպի արևմուտք։ Երրորդ, չորրորդ, հինգերորդ կացարանները դասավորված են միևնույն առանցքի վրա, ձգվելով արևելքից արևմուտք։ Նրանք հարավից շրջափակում են բլրի գագաթի տարածությանը։

Կացարանի մեջ լցված մոխրի ու նյութական մշակութի մնացորդների հետո, հատակին կուտակված մոխրաշերտի վրա անկանոն թափված էին հում աղյուսի բեկորներ։ Մանրազնին դիտարկումից պարզվեց, որ հատակը միացած չէ կավաշաղախով կամ աղյուսներով կառուցված պատի հետ, ինչպես այդ դիտվում է առաջին և երկրորդ կացարաններում։ Այստեղ ներգետնյա մասում պատի հետքերը լրիվ բացակայում էին։ Նման հանգամանքը հիմք է տալիս մտածելու, որ բնակարանի ներգետնյա հատվածի համար որպես պատ ծառայել է բարակ կավածեփով ամրացված հողը։ Կավաշաղախով ծեփված ներգետնյա մասը ժամանակի ընթացքում փշրվել-թափվել է ու անհետ ոչնչացել, իսկ վերգետնյա մասը, կառուցված է եղել հում աղյուսով, որոնք էլ հայտնաբերվեցին բնակարանի ներսում, մոխրաշերտի վրա։ Բնակարանի հատակի տրամագիծը այստեղ ամենից փոքրն էր՝ 2,4 մ, իսկ հատակի խորությունը տափարակ տարածության մակարդակից 0,8 մ։ Կացարանի


<sup>4</sup> R. J. Braidwood and Howe, նշվ. աշխ., տախ. 16.

<sup>5</sup> J. Garstang, նշվ. աշխ., նկ. 61.

<sup>6</sup> R. Dyson and G. Young, նշվ. աշխ., տախ. III.

<sup>7</sup> J. Mellaart, A Neolithic town in Anatolia, 1967, էջ 178—185.

Աղ. 4. Թիզուտի I և II կացարանների մնացորդները:



Հյուսիսային պատի մոտ հայտնաբերվեցին տնտեսական օջախի մնացորդներ, հատակի վրա արված փոքրիկ խորության ձևով, որն ամբողջովին լցված էր մոխրի ու շարդված լայնաբերան կավամանի բեկորներով:

Հյուղակից հայտնաբերված նյութերի մեջ ուշագրավ է թափված աղյուս-ների տակ հայտնաբերված խոշոր կենդանու ծնոտոսկորը, որն ուներ 40 սմ երկարություն:

Խնչպես մյուս կացարաններում, այնպես էլ այստեղ գտնված իրերի կոլալերսը բաղկացած է բարե, ոսկրե աշխատանքային գործիքներից ու կենցաղում օգտագործվող սպասքի առարկաներից: Խեցեղենի մնացորդներն այստեղ հիմնականում բաղկացած են հասարակ, այսպես կոչված, խոհանոցային առարկաների բեկորներից, որոնցից վերականգնված է երեքը:

Քարե իրերի մեջ հիշատակելի է մեծ ցլեփը, որը օգտագործվել է որպես քերիչ:

Առաջին պեղավայրում հաջողվեց հայտնաբերել նաև մեկ պահեստ-հոր, որը տեղավորված է երկրորդ կացարանից 13 մ հարավ արևելք: Հորից պահպանվել է մի փոքր հատված՝ 15 սմ հաստություն ունեցող շիրտով: Այստեղ հայտնաբերվեց փայլեցված մակերիսով, բարձր շուրջով փոքրիկ սափորի բեկոր, որն ունի բաց-կանաչավուն գույն (Էջմ 1063):

### ԵՐԿՐՈՐԴ ՏԵՂԱՄԱՍ

Թեղուտի բնակատեղիի պահպանված մյուս հատվածը, որ պայմանականորեն երկրորդ տեղամաս է անվանված, գտնվում է առաջին տեղամասից 50—55 մ հյուսիս-արևելք և զբաղեցնում է շուրջ 600 քառ. մետր տարածություն: Առաջին և երկրորդ տեղամասերը այժմ իրարից բաժանված են 3—4 մ խորություն ունեցող հսկայական փոստուակով, որ առաջացել է ճանապարհաշինության նպատակով օգտագործված խճաքարի տեղափոխման հետևանքով:

Հստ երեսութին, այս մեծ տարածության որոշ հատվածներ ևս զբաղեցված են եղել պղնձեքարեղարյան կացարաններով, որոնք հողային աշխատանքների ժամանակ ոչնչացվել են:

Երկրորդ պեղավայրի ուսումնասիրության ընթացքում հայտնաբերվեցին յոթ կիսագետնափոր կացարանների ու հինգ պահեստ-հորերի մնացորդներ, ինչպես նաև կացարանների շատ վատ պահպանված մի փոքրիկ խումբ, որոնցից պահպանվել էին հատիկների հազիվ նշամարելի մնացորդներ նրանք հանույթի վրա նշված են կետավոր շրջանագծերի ձևով:

Մշակութային շերտն այստեղ, ինչպես առաջին պեղավայրում, տարբեր խորություն ունի, որ կապված է գետային խճաքարի մակերևույթի տատանումների հետ: Բնակարանների հատակները և պատերի հիմքերը, որպես կանոն, գրված են խճաքարի շերտի վերին հորիզոնականի վրա:

Առաջին պեղավայրի հետ ունեցած կառուցողական ու շերտագրական նմանություններով հանդերձ, երկրորդ պեղավայրն ունի մի քանի առանձնահատուկ կողմեր, որոնք օգնում են ավելի լայն պատկերացում կազմելու վաղ երկրագործական տնտեսությամբ ապրող տեղաբնակների շինարարական տեխնիկայի ու բնակարանների կառուցման հատակագծային առանձնահատկությունների մասին:

Երկրորդ տեղամասի առանձնահատկություններից մեկն այն է, որ այն ավելի խիտ է բնակեցված եղել, որը երևում է կողք-կողքի բացված կացարանների ու պահեստ-հորեղի միջև ընկած փոքր տարածություններից:

Ի տարբերություն մյուս տեղամասերի, այստեղ 7-րդ և 9-րդ կացարաններում հայտնաբերվել են շինարարական երկու շերտեր, որոնց առկայությունը վկայում է բնակարանների վերակառուցման, ուրեմն և բնակավայրի երկարակեցության մասին:

Այսուհետեւ այստեղ նկատված է պահեստ-հորեղի մեծ քանակություն, որը մի անգամ ևս վկայում է այս հատվածի երբեմնի ինտենսիվ կյանքի մասին:

Կարծում ենք, որ երկրորդ պեղավայրը թեղուտի տոհմական բնակատեղիի առավել խիտ բնակեցված թաղամասերից մեզ հասած մի փոքրիկ հատված է, գուցե նաև բնակատեղիի կենտրոնական մասը:

Վեցերորդ կացարան—(II տեղամաս, I կացարան): Հայտնաբերվեց 1965 թ. և ուսումնասիրվեց 1966-ին: Կացարանը մյուսների նման կիսավեր էր և պահպանվել էր միայն նրա շրջանաձև հատակի մի հատվածը, շուրջ մեկ մետր հաստություն ունեցող մշակութային շերտով: Կավաշեն հատակից ու նրա վրա թափված հում աղյուսի բեկորներից բացի, կացարանում շինարարական այլ մնացորդներ չեն գտնվել (տրամագիծ 2,7 մ):

Հայտնաբերված նյութական մշակույթի առարկաները իրենցից ներկայացնում են քարե (վանակատ, կայժքար, բազալտ, հրաբխային շլակ) և ոսկե գործիքներ ու խեցեղեն առարկաներ:

Վանակատե և կայժքարե շինվածքները հիմնականում ներդիրներ են, որոնք օգտագործվելու հետևանքով կողերի վրա անկանոն կոտրվածքներ ունեն: Քարից պատրաստված գործիքների խումբը այստեղ լրացված է բազալտե փոքր աղորիքի բեկորներով ու հրաբխային խրամից պատրաստված բերիշ-կոկիշներով:

Ոսկե գործիքները սնամեջ ոսկորներից պատրաստված հերուններ ու ծակիշներ են:

Խեցեղեն առարկաների նմուշները իրենց ձևով ու կավաշաղախի բաղադրությամբ առանձնապես չեն տարբերվում բնակավայրի մյուս կացարանների նյութերից: Մասսայական խեցեղենի մեջ, որպես նոր տեսակ, պետք է նշել կորնթարդ կողերով թասի բեկորը (ԷԳԹ 1159):

Տոքերորդ կացարան—II տեղամաս № VII կացարան: Տեղավորված է II տեղամասի № 6 և № 8 կացարանների աղանգում: Սա բնակավայրում բացված հյուղակներից առաջինն էր, որ հայտնաբերվեց շխաթարված վիճակում:

Կացարանի ներսը լցված էր մոխրախառն հողով: Այստեղ հայտնաբերվեցին միենույն կազմությամբ երկու հատակներ: Առաջին հատակի խորությունը գետնի մակերեսից 40 սմ է: Այն կառուցված է հարդախառն կավաշաղախով, որի կենտրոնական մասում հայտնաբերվել են օգտագործված գետաքարերի ու փոքր շափեր ունեցող աղորիքի բեկորներ: Առաջին շինարարական շերտից հայտնաբերված գործիքների մեջ շատ մեծ հետաքրքրություն է ներկայացնում թեղուտում առաջին անգամ հանդիպող, մշակված մակերեսով վանակատե գործիքը (ԷԳԹ 1754): Ցեղիված քարե արտադրանքների մեջ ուշագրավ է նաև դանականման մեծ շեղերի բեկորը: Կացարանի առաջին շերտի խեցեղենի նմուշների մնացորդները ոչնչով չեն տարբերվում նախորդ կացարաններում պեղավածներից:

Առաջին հատակը պեղելուց հետո, շուրջ 20 սմ խորության վրա բացվեց ավելի վաղ կառուցված բնակարանի հատակի մնացորդները։ Այն ամբողջովին ծածկված էր մոխրով և ստեղծվում էր այն տպավորությունը, որ վերին շերտի կացարանը կառուցվել է հրդեհվածի տեղում։ Որ իրոք հին կացարանը հրդեհվել է, վկայում է այն փաստը, որ ստորին հատակը ծածկող մոխրը ուներ բաց գույն, որպիսին լինում է եղեգնի և այլ բույսերի այրումից։ Ստորին կացարանի պատերը մասսամբ պահպանվել էին։ Նրանք շարված են եղել հարդախառն աղյուսով, իսկ հիմնականում նաև՝ անկանոն ձևի գետաբարերով։ Գետաբարերի քանակը այնքան քիչ է, որ չի կարելի ասել, թե բնակարանի աղյուսի պատը դրված է քարի հիմքի վրա։

Կացարանի կենտրոնական մասում, տնտեսական օջախից տրևելը, հայտնաբերվեց անկանոն ձևի, միջին մեծության գետաքար, որի շերտին աշխատանքային գործիքների պատրաստման հետևանքով առաջացած էին հարդախառն աղյուսով, որի վերին մասը նեղ է և հակված մի կողմի վրա, իսկ ներքինը՝ աստիճանաբար լայնացող։ Նրա նստուկը խնամքով հարթեցված է։ Իրանի վերին մասում, մի կողմի վրա առկա է բնական փու ընկած տարածություն (Էջթ 797)։ Քարի ընդհանուր տեսքը (կոնֆիգուրացիան) թողնում է գլխահակ նստած կնոջ տպավորություն։ Թվում է, որ այդ իրը ծառայել է պաշտամունքային նպատակների՝ կապված մայրության, ուրեմն և պտղաբերության հետ։ Պետք է նկատել, որ այդպիսի պարզունակ տեսքի, պաշտամունքային նպատակով օգտագործված քարեր առկա են նաև Երիքոնի, Յումուկթեփի, Զաթալ-Շուլուկի ստորին շերտերում, որոնք զարգացման հետագա փուլերում գտնում են ավելի որոշակի ձևավորված ու արտահայտիլ։

Կացարանի արևմտյան պատի տակ, հատակի հետ միացած էին իրարից հավասար հեռավորության վրա տեղավորված աղյուսներ, որոնք ելուստի նման մտնում էին բնակարանի ներար 20—25 սմ խորությամբ։ Հավանական է, որ այդ աղյուսները եղել են նստարանի կամ մահճի մնացորդներ։ Ուշադրության է արժանի այն փաստը, որ կավաշեն նստարանները շատ տարածված են եղել Հայկական լեռնաշխարհի<sup>8</sup> ու Ասուազոր Ասիայի հնագիտական հուշարձաններում<sup>9</sup> և ավելի վաղ շրջանում հանդիպում են ժամանակակից համար մեջ։

Կացարանի հարավային հատվածում հայտնաբերվեց մոխրի առատ կուտակում 20-30 սմ հաստությամբ, որի գույնը սպիտակ էր, ինչպիսին առաջանում է եղեգնի այրման ժամանակ։ Սպիտակ մոխրի տակ բացվեցին տնտեսական օջախի հաղիկ նշանաբարելի հետքեր, իսկ պատի շարվածքում կային տարրեր տիպի խեցեղեն առարկաների բեկորներ։ Ըստ երևույթին, բնակարանի շինարարության ժամանակ կառուցողները խտրություն շեն դրել օգտագործվող շինանյութի տեսակների մեջ, խառը կերպով օգտագործելով ինչ-

<sup>8</sup> Е. Байдуртян, Культовый очаг из раскопок Шенгавитского поселения, ВДИ, 1938, № 4.

<sup>9</sup> Է. Խանգաղյան, Հայկական լեռնաշխարհի մշակութը մ.թ.ա. III հազ.-ում, էջ 10, 16:

<sup>10</sup> Н. Н. Миклухо-Маклай, На берегу Маклая, Москва, 1961.

որ պատահի՝ թե՛ աղյուս, թե՛ գետաքար և թե՛ խեցու բեկորներ: Կացարանի մուտքը հայտնաբերելու նպատակով կատարված մանրազնին դիտարկումները ինչպես այդ, այնպես էլ հետագայում ուսումնասիրվածներում, ոչ մի արդյունք չտվեցին: Հնարավոր է, որ մարդիկ կացարան են մտել փայտյա սանդուղքներով, որպիսիք հայտնի են հարավ արևմտյան Վրաստանի, Արություն, Իմիրիս Գորա, Շուշավերի<sup>11</sup>, ինչպես նաև Զաթալ-Հույուկ հուշարձաններում<sup>12</sup>:

Բացի այդ, տեղում շհայտնաբերվեցին վաղ երկրագործական բնակատեղիների կացարաններին այնքան հատուկ դռան կրնկաքարերը: Թվում է, որ թեղուտի բնակարանների մուտքը եղել է վերգետնյա մասում, որի համար որպես ծածկոց ծառայել է ճյուղերից կամ եղեգներից հյուսված վահանիկը, ինչպիսիք շատ տարածված են եղել ետ մնացած ժողովորդների բնակարանաշինական պարակտիկաբում: Կացարանում շինարարական և ներսի կահավորման այլ մանրամասներ չեն պահպանվել: Հյուղակի տրամագիծը 3,3 մ է, իսկ խորությունը՝ 60 սմ:

Այսուեղ հայտնաբերված նյութական մշակույթի մնացորդները նախորդների նման բաղկացած են վանակատից, կայծքարից, գետաքարից ու սոկրից պատրաստված գործիքներից ու խեցեղեն առարկաների նմուշներից:

Խեցեղեն առարկաներից հատկապես հիշատակության են արժանի մաքուր կավաշաղախից պատրաստված փոքրիկ սափորը (էջթ 1965) և երկու գոնազարդ, ոչ մեծ շափսի կճումները (էջթ 898):

Ութերորդ կացարան—II տեղամաս: Այս հյուղակի մնացորդները գտնվում են պեղավայրի արևելյան մասում, 7-րդ կացարանից 1 մ արևելք: Հայտնաբերման ժամանակ կիսագետնափոր հյուղակի կեսը արդեն ոչնչացված էր շինարարների կողմից: Զնայած կիսավեր վիճակին, կացարանը բավական նոր նյութ տվեց ժամանակի կառուցողական տեխնիկայի վերաբերյալ: Նրա պահպանված մասի մաքրումից պարզվեց, որ կացարանի հատակագիծը ոչ թե շրջանաձև է, այլ ձվածիր: Նման հատակագծով կառուցված կացարան թեղուտի բնակատեղիում հանդիպում է առաջին անգամ: Նշենք, որ հետագայում պեղած կացարանները ունեին բացարձակապես շրջանաձև հատակագիծ: Զվածիր հատակագծով կացարանների կառուցման սովորույթը Հին Արևելքում և այլ վայրերում, ինչպես վկայում են հնագիտական հաղորդումները, իրականացվել է ավելի վաղ փուլերում: Նրա գոյությունը մեր բնակատեղիում պետք է դիտել տրամադրությունը ունեցած շայկական լեռնաշխարհում գոյություն ունեցած բնակարանաշինության ավելի հին ավանդույթների գոյատևման փաստ: Եթե կացարանը հատակագծով տարրերվում է իր հարևաններից, ապա նրանում հայտնաբերված մշակույթի մնացորդները ոչնչով չեն տարրերվում մյուսներից, ուստի նրանց միջև շերտագրական տարրերություններ որոնելը, կարծում ենք, ավելորդ է:

Զվածիր հատակագծով կացարանի մեծ տրամագիծը հավասար է 3,3, իսկ փոքրը՝ 2,8 մետրի: Հարդախառն կավաշաղախով պատրաստված հատակը նստած է գետային խճաքարի շերտի վրա, որի խորությունը գետնի մակերեսից 1,1 մ է: Կացարանի ներգետնյա մասում աղյուսներով կամ կա-

<sup>11</sup> Կ. Խ. Կուշնարեա, Տ. Ի. Չубинишվիլի, Դревние культуры Южного Кавказа, էջ 21—29.

<sup>12</sup> J. Mellaart, Earliest civilizations..., էջ 54.

վաշաղախով կառուցված պատի հետքեր չեն պահպանվել: Նրա եզրագծի սահմանը զատվում է միայն հատակի մնացորդներով, որը պատերին միացված է կորուֆյամբ բարձրացող կավացիխով:

Արևմայան պատից 60 սմ ներս, հատակի վրա հայտնաբերվել է կավով ամրացված, անկանոն ձևի, միջին մեծության, շուրջ 18 քառ. սմ աշխատանքային մակերևսով մի գետաքար, որի վերին մակերեսը աշխատանքի հետևանքով հղկված է: Այս քարի նշանակությունը պարզելու համար կարեոր կովան եղան նրա մոտ է նրանից 15 սմ դեպի արևմուտք վանակատե 14 անավարտ ցլիփների համատեղ հայտնաբերումը, հատակին թափված ոսկրի, կացձբարի շարդուտված բազմաթիվ բեկորները: Նման իրադրությունը կասկած չի թողնում, որ այդ քարը օգտագործվել է զնդանի տեղ, որի վրա պատրաստվել են աշխատանքային գործիքներ: Նման պատկեր է ստացվել նաև նախիջևանի Քյով-թափայի առաջին շերտում: Սակայն Օ. Ա. Աբրիբուզակը նման քարերը համարում է բնակարանի ծածկի ծանրությունը կրող սյան հենաբերներ<sup>13</sup>, թեղուտի կացարաններում այդպիսի քարեր հայտնաբերվում են ոչ թե բնակարանի կենտրոնում, այլ հատակի վրա, առանց մշտական որոշակի տեղի: Բնակարանի կենտրոնական մասում, սովորաբար, տեղավորված են տնտեսական օգախները՝ մոխրով լցված փոքրիկ փոսերի ձևով:

Հետաքրքիր է, որ Վերին Խաթունարիսի բլուր-բնակատեղիի մ.թ.ա. Վ հազարամյակի շերտում մեզ հանդիպել են փոքր աշխատանքային մակերես ունեցող նույնատիպ քարեր, որոնք դրված են հատակի տարբեր մասերում և ոչ թե կենտրոնում<sup>14</sup>:

Հայկական լեռնաշխարհում և Առաջավոր Ասիայում հայտնի են Պաղեստինի (Նատուֆյան մշակուլ)<sup>15</sup>, Իրաքի (Հասսուննա I)<sup>16</sup>, Մլեքաթ<sup>17</sup>, Թեփեգալարա<sup>18</sup> XIX—XVII շերտ), Միջին Ասիայի (Գեոկսուրի Հովիտ<sup>19</sup>) և վերջապես Հայաստանի մ.թ.ա. IV—III-րդ հազարամյակների<sup>20</sup> (Գառնի, Նախիջևանի Քյով-թափա, Ճրահովիտ, Քոսի ճոթեր և այլն) կլոր կացարաններ, որոնք կանոն չունեն կենտրոնական սյուներ:

Ենթադրություն է, որ առաջարիսի բլուր-բնակատեղիի ու թեղուտի փաստական նյութերից, ինչպես նաև Առաջավոր Ասիայի ու Հայկական լեռնաշխարհի նոր քարեղարյան և պղնձեղարեղարյան ժամանակաշրջանների բնակարանաշինության մնացորդների համեմատական ուսումնասիրությունից, կարող ենք ասել, որ Հայաստանի պղնձեղարյան ժամանակաշրջանի կացարանները չեն ունեցել կենտրոնական սյուն: Հավանաբար նրանք ծածկված են եղել կոնաձև տիպի տանիքով կամ թեթև, հարթ ծածկով: Մեր այս համոզմունքն իր հիմքում ունի Առաջավոր Ասիայի հնավայրերի պեղումներից

<sup>13</sup> О. А. Абдулаев, Некоторые итоги изучения холма Кюль-тепе в Азербайджане, СА, 1963, № 3, էջ 158:

<sup>14</sup> Բ. Թեղուտիպյանի պեղումների շերտարակված նյութեր: Շերտի թվագրման համար հիմք է ծառայել րուն Հալաֆյան շրեն գունազարդ խեցու բեկորը:

<sup>15</sup> K. Kenyon, նշվ. աշխ., տախ. 29, J. Mellaart, Earl. Civil. էջ 22—39.

<sup>16</sup> S. L. Lloyd, F. Safar, նշվ. աշխ., էջ 274.

<sup>17</sup> R. Braudwood and Howe, նշվ. աշխ., էջ 50.

<sup>18</sup> A. Tobler, նշվ. աշխ., էջ 41—45.

<sup>19</sup> В. И. Сарнаниди, Некоторые вопросы древней архитектуры энеолитических поселений Геоксурского оазиса, КСИА, 1962, № 91.

<sup>20</sup> Է. Խանզադյան, նշվ. աշխ., էջ 7—31:

Հայտնի կլոր հատակագծով կացարանների մոտավոր վերակառուցումներն ու Հայաստանում ավելի ուշ ժամանակաշրջանների վերաբերող հնագիտական ու ազգագրական նյութերի ուսումնասիրությունները:

Կլոր հատակագծով կացարանների մոտավոր վերակառուցմանն են անդրադարձել իրենց աշխատություններում Զ. Մելարտը<sup>21</sup>, Հ. Ա. Մարտիրոսյանը<sup>22</sup>, է. Կարապետյանը և այլք:



Նկ. 5. Պաշտամունքային պատի մնացորդները:

Ուսումնասիրվող կացարանի հարավային կեսի մաքրման ժամանակ հայտնաբերվեցին թափված աղյուսների բազմաթիվ բեկորներ, որոնք իրենց տակ էին առել հյուղակի ներսում եղած նյութերը: Հատակի վրա փոքրիկ փոսիկի ձևով պահպանվել էր տնտեսական օջախը, որը անվրեպ ճանաչվեց նրա մեջ լցված մոխրի, կիսապարագած ոսկորների ու նրա վրա դրվելու հետեւ վանքով մրուված սազ կոչվող կավամանի բեկորների առկայությամբ:

Հյուղակի ներքին հարդարման մանրամասները լրացվեցին հյուսիսային պատի տակ տեղադրված պաշտամունքային օջախի մնացորդների հայտնաբերմամբ: Այն կառուցված էր հարդախտոն կավաշաղախից պատրաստված տարրեր ձևի աղյուսներից: Նրանցից ամենամեծը դրված է պատին կից, կողքի վրա: Սա  $10 \times 30 \times 7$  սմ չափեր ունեցող աղյուս է, նրա զիմաց, 10 սմ հեռավորության վրա, իրար կողքի տեղավորված են երկու փոքր, ոճավորված աղյուսներ: Նրանցից մեկը ուներ վերին մասում հատած բուրգի, իսկ մյուսը՝ խորանարդիկի ձև (բարձրությունը՝ 10 սմ): (Նկ. № 5):

Կացարանում շինարարական այլ դետալներ չեն պահպանվել:

Նյութական մշակութի մնացորդների հավաքածուն այստեղ ևս բաղկա-

<sup>21</sup> J. Mellaart, Earl. Civil..., էջ 122:

<sup>22</sup> А. А. Мартиросян, Город Тейшебаини, էջ 7—36:

<sup>23</sup> Է. Խանզադյան, նշան. աշխ., էջ 28—29:

յած է քարե, ոսկրե գործիքներից ու կավամանների բազմաթիվ բեկորներից: Բացի վերը հիշատակված վանակատե 14 անավարտ գործիքներից (Էջմ 960), այստեղ հայտնաբերվեցին նաև վանակատե, կայծքարե կանոնավոր շեղբիկ-ներ ու հավաքովի գործիքների նիրդիրներ (Էջմ 893, 896, 1503, 961, 963): Դրունտային քարե գործիքների մեջ ուշագրավ են Էջմ 987 համարը կրող երկու գործիքի բեկորները, որոնցից մեկը սանդկոթ է, իսկ մյուսը քարե անավարտ կացին: Հիշատակության արժանի են նաև այս պեղավայրում առաջին անգամ ամբողջական ձևով հայտնաբերված աղորիքը և հրաբխային խարամից պատրաստված քերիչ-կոկիչները:

Ութերորդ կացարանից մեկ մետր գեպի հյուսիս-արևմուտք հայտնաբերվեց երկրորդ տեղամասի փլված հորերից մեկը: Նրա մեջ լցված շինարարական մնացորդների մաքրումից հետո պարզվեց, որ պահեստահորը ևս տնակների նման ունի կլոր հատակագիծ՝ 1,12 մ տրամագծով: Պատերը կառուցված են իրար վրա դրված հարթ աղյուսների մի շարքով: Հատակի ու պատերի ստորին մակերեսների կավածեփի վրա ամրացված էին տարբեր ձևի կավամանների բեկորներ, որոնք շարված էին շատ խիտ՝ իրար կողք-կողքի: Պահեստ-հորի կավածեփի պատերն ու հատակը կավամանների բեկորներով ծածկելու սովորությունը ըստ իրեռությին թելադրված էր հորը ներսից չոր և մաքուր պահելու անհրաժեշտությամբ: Իր ինքնատիպությամբ այս պահեստ-հորը թեղուտում միակն է և ընդհանրապես շատ քիչ է հանդիպում Առաջավոր Սսիացի վաղ երկրագործական հուշարձանների տարածքում: Կավամանների բեկորներով ծածկված պահեստ-հորեր հայտնի են Թուրքմենիայի Կարա-թեփե (Զեյթուն)՝ և իրարի Հասսունա հուշարձաններից<sup>24</sup>:

Պահեստ-հորի պատերին ու հատակին ամրացված կավամանների բեկորները իրենց կառուցվածքային ձևերով ու պատրաստման տեխնիկայով առանձնապես շեն տարբերվում բնակավայրի մասսայական կերամիկայից: Այս- տեղ պետք է նշել միայն ավազախառն կավաշաղախից պատրաստված, դուրս մկված շուրթով, հարթ հատակով փոքրիկ գագաթը:

Պահեստ-հորից հայտնաբերված հանգիտական նյութերի շարքում առանձնապես արժեքավոր են պղնձի փոքրիկ դանակի շեղբիկը և պահանգավոր կայծքարե դանակը, որոնք կարելու կովան դարձան թեղուտի բնակավայրի գոյության ժամանակաշրջանում Արարատյան դաշտի մետաղամշակության զարգացման աստիճանը, ինչպես նաև տնտեսության հետ կապված որոշ մանրամասներ վեր հանելու համար:

Պահեստ-հորից մեկ մետր հյուսիս-արևմուտք, հողի մակերեսից 90 սմ խորության վրա հայտնաբերվեց աշխատանքային հարթ մակերեսով, անկանոն ձևի աղորիք՝ իր արորիչով:

Ենթերող կացարան—II տեղամաս: Տեղավորված է 7-րդ կացարանից մեկ մետր հյուսիս: Նրանից պեղումների ժամանակ նկատվեցին միայն երկու հատակների շատ վատ պահպանված մնացորդներ (2,6 մ տրամագծով): Վերին հատակի կենտրոնական մասում հայտնաբերվեց սովորական մի գետաքար, որի մակերեսին նկատվում են աշխատանքի հետքեր: Այս կացարանից գտնված քարե գործիքների մեջ ուշագրավ է բազալտ գետաքարից պատրաստ-

<sup>24</sup> В. М. Массон, Энеолит южных областей Средней Азии. էջ 9:

<sup>25</sup> S. L. Lloyd, F. Safar, նշան. աշխ., էջ 262:

ված ծանրոց-կախիշը, իսկ խեցեղենի նմուշների մեջ՝ նրա կողքին, բերանք-սիվայր դրված գլանաձև վզով մեծ կճումի իրանի վերին կեսը:

Առաջին հատակից 20 սմ ներքև հայտնաբերվեցին երկրորդ կավածեփի հատակի հետքերը:

Առաջին և երկրորդ հատակների տրամագծերի միջև տարբերություններ չկային, և նրանք կառուցված էին ուղղակի իրար վրա: Ըստ երևույթին, առաջին հատակը փլացել էր, և բնակիչները նրա վրա նորն էին պատրաստել: Ստորին հատակի վրայից հայտնաբերվել են միայն մի քանի կտոր հասարակ խեցեղենի բեկորներ, որոնք ունեն մուգ-սրճագույն երեսապատված մակերեսներ:

Պեղավայրի հյուսիսային մասում կային նաև երկու այլ կացարանի կամ պահեստ-հորերի մնացորդներ, որոնք շատ վատ էին պահպանված: Նրանցից մեկում (Գ) գտնվեցին հասարակ կավամանի մնացորդներ, որոնցով հնարավոր եղավ վերականգնել անոթը (Էջթ 1061): Մյուսից համարյա ոչինչ չէր պահպանվել, բացի հատակի վատ պահպանված պատառիկներից:

Երկրորդ պեղավայրի առանձնահատկություններից մեկն էլ պահեստ-հորերի մեծ քանակությունն է, որոնք տեղադրված են կացարաններից հարավ, միևնույն առանցքի վրա: Հորերից առաջինը (Ե) գտնվում է 8-րդ կացարանից երկու մետր հարավ, լցված է սպիտակ մոխրով, որի հետ խառնված են կավամանների մի քանի բեկորներ ու կիսայրված ոսկորների մնացորդներ: Պահեստ-հորի հատակը և շուրջ 25 սմ բարձրություն ունեցող պատերը կավացնից էին:

Երկրորդ հորից (Զ) պահպանվել էին միայն աղյուսաշեն պատի աղեղնահատվածը և հատակին ընկած կավամանի մի քանի բեկորներ:

Հորերի այս շարքում իր պարունակած նյութով առանձնապես հարուստ է երրորդը (Է), որի հատակի մոխրաշերտի մեջ հայտնաբերվեց կայծքարից պատրաստված, փոքր շափի, կանոնավոր բուրգածք միջուկ: Միջուկի հայտնաբերումը լրացրեց քարք գործիքների հավաքածուն, քանի որ նրանով մենք ունեցանք ցլեփման եղանակով շինված գործիքների պատրաստման պրոցեսը վերականգնող մի շատ կարելոր ելակետային նյութ:

Հորերի հատակների խորությունը գետնի ժամանակակից մակերեսից մոտավորապես 25—30 սմ է, իսկ տրամագիծը տատանվում է 1,3—1,6 մ միջև:

Հետաքրքիր է նշել, որ հորերով զբաղեցված տարածություն մյուս տեղամասում չկար (ըստ երևույթին նախօրորդ ավերվել է):

Բնակավայրի շինարարական մնացորդների նման պատկեր բացվել է նաև Կիլիկիայի Յումուկ-թեփե բլուր-բնակատեղիի նորքարեդարյան շերտերից մեկում<sup>26</sup>:

Տեղամասի պահպանված հատվածի հարավային մասում, հորերից 20 մ հարավ, նկատվեցին երկու այլ կացարանների հետքեր: Մրանց հայտնաբերման ժամանակ շինարարները արդեն ավերել էին նյութական մնացորդներ պարունակող շերտի մեծ մասը: Հորերի և այս կացարանների միջև եղած տարածության հետագա ուսումնասիրությունը ցույց տվեց, որ ինչպես առաջին պեղավայրում, այնպես էլ այստեղ բնակարանների խմբերի միջև որո-

<sup>26</sup> J. Garstang, նշանակ. աշխ., էջ 24:

շակի տարածությունը բնակեցված չի եղել, ըստ երևութին այդպիսիք եղել են հրապարակներ կամ ճանապարհ, որի շուրջը կամ երկայնքով շարված են եղել կացարանները:

Տասներորդ կացարան—II տեղամաս, Մնացորդներից ուշագրավ են նրա կենտրոնական մասում տեղալորջած գետաբարը և դրա շուրջը թափված աղյուսների ու գործիքների բեկորները: Բնակարանի ներսում թափված հողակոշտերից մի բանիսի վրա պահպանվել են ծառերի բարակ ճյուղերի ու այլ բույսերի դաշլածքներ: Այդպիսի հետքեր կրող հողակոշտերը, ըստ երևութին, կացարանի ծածկի մնացորդներն են<sup>27</sup>: Այստեղ ևս մյուս հյուզակների նման հալտնաբերվեցին բարե, ոսկրե գործիքներ ու խեցեղեն առարկաների բեկորներ: Կացարանի տրամադիծը մոտավորապես 3 մետր է:

Տասնմեկերորդ կացարան—Տեղավորված է տասներորդից 2,5 մ հարավարևելեր: Նրա բիշ պահպանված փլատակներից աննշան նյութեր հավաքվեցին: Դրանցից արժեք հիշատակել բացդարձնագույն մակերեսով կարասի շուրթի բեկորը, որի վրա սև ներկով նկարված է փոքրիկ քառաթև խաչ:

Երկրորդ տեղամասի վերաբերյալ պետք է ավելացնել նաև, որ վերջին երկու կացարաններից արևմուտք ընկած տարածքի վրա հանդիպեցին նյութական մշակութային մնացորդներ, որոնք գտնվում էին բնակատեղիի ամենավերին շերտերի մեջ: Ըստ այդմ, նյութական մշակութի մնացորդներով կարելի է վերականգնել այդտեղ եղած կացարանների ու հորերի թիվը (հատակագծի վրա դրանք ներկայացված են կետավոր շրջանագծի ձևով):

Այսպիսով, Թեղուտի երկրորդ տեղամասում ուսումնասիրվեցին վեց կացարաններ և վեց պահեստ-հորերի մնացորդներ, որոնցից հավաքված հնագիտական ու շինարարական նյութերը հնարավորություն են տալիս ինչ-որ շափով վերականգնելու Հայաստանի պղնձերերեդարյան բնակատեղիներից մեկի խիտ բնակեցված հատվածի ընդհանուր պատկերը:

### ԵՐՐՈՐԴ ՏԵՂԱՄԱՍ

Թեղուտի բնակավայրի պահպանված հատվածներից մեկն էլ տեղավորված է առաջին տեղամասից շուրջ 50 մ հարավ, մեկ այլ բլուրի վրա: Այս պեղավայրը առաջինից այժմ բաժանված է փոքրիկ, ոչ խորը հեղեղատով:

Բլուրի հյուսիսային տափարակ մակերեսի վրա 1966—67 թվականների դաշտային աշխատանքների ժամանակ ուսումնասիրվեցին երեք կացարաններ:

Այս տեղամասի մակերեսը մյուսների նման ծածկված է 10—20 սմ հաստություն ունեցող աղակալած ամուր շերտով: Բնակարանների ներգետնյա մասերը կառուցված են մանր գետաբարերի հետ խառնված շիկավուն հողաշերտի մեջ: Ի տարբերություն մյուս տեղամասերի, այստեղ գհտային խճարի ալվաղախառն շերտն ավելի խորն է, բնակարանների հատակի ու պատերի հիմքերը չեն դրված խճարի վրա:

Տասներեկուերորդ կացարան (հատակագիծ № 12)—լցված էր մոխրախառն հողաշերտով: Նրա պատերը շարված են ուղղանկյուն հարթ աղյուսների մի շարքով: Բնակարանի պահպանված ներգետնյա մասի խորությունը հողի այժմյան մակերեսից 0,5 մ է, իսկ տրամագիծը՝ 2,7: Կավածենի հա-

<sup>27</sup> Շինարարական այս կարեսը զետալի պահպանումը և լուսանկարահանումը հնարավոր չեղավ, քանի որ այն շատ փիլուն էր և բավական վատ նշմարելի:

տակին, հյուսիսային պատից 60 սմ հեռավորության վրա գտնվեց տձեւ, ոչ մեծ մի գետաքար, որը նույնպես նախկինում գտածների նման շրջապատված էր գործիքների բեկորներով ու թափնով: Քարից հյուսիս-արևելք, պատի տակ նշմարվեցին պաշտամունքային օջախի մնացորդներ (ոճավորված աղյուսներ): Հատակի արևելյան կեսում, փոքրիկ խորության ձևով նշմարվեց տնտեսական օջախը, որի մեջ հասարակ կավամանի բազմաթիվ բեկորներ կային: Հարավ-արևելյան պատի մոտ թափված աղյուսների տակ հայտնաբերվեցին խոշոր կենդանու սրունքի ու ագրդի ոսկորներ, ըստ որում այնպիսի գիրքում, որ կարծես թե այստեղ ժամանակին դրված է եղել կենդանու մի ամբողջ ոտք: Կացարանից հայտնաբերված նյութերի կոմպլեքսն այստեղ ևս բաղկացած է աշխատանքային գործիքներից ու տնային սպասքի առարկաներից: Վանակատե գործիքների մեջ առանձնապես ուշագրավ է սև գույնի մեծ շեղբը (Էջմ. 1727):

Գետաքարից պատրաստված սովորական ծեծիշներից ու աղորիքների բեկորներից բացի այստեղ հայտնաբերվեցին նաև գործիքների նոր տեսակներ: Սրանցից մեկը մոտավորապես կեսից շարդված գետաքար է, որի մի երեսը որոշ շափով շաղափված է՝ միջանցիկ անցք բացելու համար (Էջմ. 1739):

Ուշագրավ է նաև նավակածեւ աղորիքի բեկորը, որը մեր հուշարձանի ձվածիր աղորիքների մեջ հանդիպում է առաջին անգամ: Ինչպես հայտնի է, նավակածեւ աղորիքները թվագրվում են մ.թ.ա. III հազարամյակով: Թեղուտիք քարե գործիքների մեջ նրա առկայությանը փաստորեն այժմ վկայում է, որ այդպիսիները հանդիպում են մ.թ.ա. IV հազարամյակում:

Քարե արտադրանքները ևս համալրվում են հրաբխային խարամից պատրաստված գործիքներով, որոնք օգտագործվել են որպես քերիչ:

Կերամիկայի կոմպլեքսը կազմված է սրճավուն, դարչնագույն ավազախառն ու հարդախառն կավաշաղախից պատրաստված անոթներից: Պետք է նշել, որ բոլոր կացարանների համար ընդհանուր և հատկանշական են սալերի բեկորները, որոնցից մեկի կողին ելուստ կար, որն արված է ոչ թե շուրթի վրա, ինչպես սովորական սաշերինը, այլ կողքին: Նա իր ընդհանուր տեսքով հիշեցնում է մ.թ.ա. 3-րդ հազարամյակի գնդածեւ կանթերը, սակայն դեռևս շատ հեռու է այդպիսին լինելուց (Էջմ. 1822):

Տասներեքերորդ կացարան—III տեղամաս: Տեղավորված է 12-րդ կացարանից 2 մ հարավ: Սա թեղուտիք բնակատեղիի ամենից լավ պահպանված շինվածքն է, որն իր հնագիտական հարուստ նյութերով ու շինարարական մնացորդներով համալրեց հնավայրի ողջ մշակույթը և դրանով իսկ մեծապես նպաստեց հուշարձանի ամբողջական ուսումնասիրման ու թվագրման գործին:

Կացարանի մոխրախառն հողը հեռացնելուց հետո պարզվեց, որ նաևս նախորդների նման ունի կլոր հատակագիծ: Նրա պատերը շարված են կավաշաղախով միակցված հարթ աղյուսների մի շարքով, որոնց բարձրությունը հատակից հասնում է 90 սմ, իսկ հյուղակի տրամագիծը 2,9 մ է: Աղյուսներն ունեն  $10 \times 30 \times 40$  սմ չափեր:

Պատը ներսի կողմից ծեփված է 2—4 սմ հաստության կավաշաղախով, իսկ արտաքին կողմից նա հենվում է բնական հողին: Հետաքրքիր է, որ նրա վրա չնկատվեց մուտքի բացվածքի ոչ մի հետք: Դուն բացվածքի բացակայությունը, ինչպես թեղուտիք այլ կացարաններում, այնպես էլ այստեղ,

Ճեկ անգամ ևս վկայում է, որ կիսագետնափոր հյուղակների մուտքը եղել է կացարանի վերգետնյա մասում, իսկ ելումուտը իրականացվել է փայտյա սանդուղքի միջոցով: Բնակարանի հատակը դրված է կավախառն խճաքարի շերտի վրա:



Նկ. 6. Թևուտի XIII կացարանը.

Հատակի հյուսիսային կեսում հայտնաբերվեց մոխրի առատ կուտակում (20 սմ հաստությամբ), իսկ հարավային կեսում՝ թափված աղյուսների բեկորներ, որոնք իրենց տակ էին առել կացարանի մնացորդները: Ինչպես մյուս կացարաններում, այնպես էլ այստեղ, հայտնաբերվեցին պաշտամունքային ու տնտեսական օջախների մնացորդներ: Արևմտյան պատի տակ բացվեցին աղյուսից ու գետքարից պատրաստված 20—25 սմ բարձրությամբ կլուատներ, որոնք ծառայել են որպես նստարանների հենակներ:


Տասներեքերորդ կացարանից մեկ մետր արևելք հայտնաբերվեց ավերված պահեստ-հոր (Թ): Նրա պատերը շինված էին աղյուսով, ըստ որում աղյուսները շարված էին ոչ թե սովորական ձևով, այլ երկայնքով՝ կողքի վրա: Նման շարվածքը բնակատեղիում առաջին անգամ է հանդիպում: Ինչպես երեսում է, բնակիշներին այնքան էլ չի հուզել հորի պատերը ամուր կառուցելու խնդիրը: Աղյուսներն այստեղ երեսապատված են՝ հորի ներսը մաքուր պահելու համար: Հորի տրամագիծը հավասար է 1,35 սմ, իսկ խորությունը՝ 0,9 մ է:

Այս հյուղակից հավաքված հնագիտական նյութերի հարուստ կոմպլեքսը նախորդների նման բաղկացած է քարե, ոսկրե աշխատանքային գործիքներից ու խեցեղեն առարկաների բազմաթիվ բեկորներից: Աշխատանքային գործիքների մեջ հատկապես արժեքավոր է պղնձե քառակող ծակիչը, որը բնակատեղիում պեղված պղնձե իրերից 4-ընն է:

Խեցեղեն առարկաների խումբն այստեղ շատ մեծ է: Փոքրիկ կացարանից

Հայտնաբերվեցին այնքան բեկորներ, որքան չէր հավաքվել մի քանի կացարաններում միասին վերցրած:

Հետաքրքիր է նաև կավամանների բեկորների կավաշաղախի բաղադրության տարրերության հիման վրա կատարված հաշվարկի արդյունքը, որը մոտավորապես տիպական է մնացյալ կացարաններին:



Նկ. 7. Թեղուտի բնակատեղի II տեղամասը:

Ավագախառն կավաշաղախից պատրաստված 7 բեկորին ընկնում է հարդախառն կավից պատրաստված իրի 1 բեկոր։ Իսկ շքեղ խեցեղենին բեկորները ընդհանրապես շատ քիչ են և համարյա տոկոս չեն կազմում։

Այսուհետև ուշագրավ է այն, որ ալստեղից (13-րդ կացարան) հավաք-վեցին վանակատի մանր ու մեծ շուրջ 750 բեկորներ, որոնք իրենց վրա չունեին աշխատանքի հետքեր, այլ ուղղակի իրենցով ներկայացնում էին քարե արտադրանքների թափոնը: Այս երեսով թը, որը քիչ թե շատ բնորոշ է բոլոր կացարանների համար, ցուց է տալիս, որ աշխատանքային գործիքները պատրաստվել են կացարանի ներսում: Հնարավոր է նաև, որ այս տունը պատկանելիս է եղել քարագործության մեջ առավել մասնագիտացած վարպետի: Վերջին ենթադրության համար հիմք է ծառայում նաև անսավարտ ուլունքների հայտնաբերումը միևնույն կացարանում:

Ցեփման եղանակով պատրաստված քարե գործիքները թվով քիչ են, սակայն ուշագրավ են նրանց վրա եղած կրկնակի օգտագործման հետքերը:

Վանակատե ու կայծքարե կրկնակի բանեցված գործիքների նմուշներ հայտնի են նաև Արևելքի շատ հնավայրերում: Օրինակ, Զ. Բրայդվուդը դիտում է, որ Զարմոցի միկրոլիթյան գործիքների մեծ մասը պատրաստված են կանոնավոր ներդիրների բեկորներից<sup>28</sup>:

Տասնշորսերորդ կացարան—III տեղամաս: Հայտնաբերվել է 1967 թվականին, գտնվում է տեղամասի հյուսիս-արևմտյան մասում, 12-րդ կացարանից 15 մ հեռավորության վրա:

Նրա կառուցից պահպանվել են միայն կավածեկի հատակի մնացորդները, մոտ 20—30 սմ հաստության մշակությին շերտով: Կացարանի տրամադիր հավասար է 3 մետրի:

Այստեղից ելած նյութական մշակութի մնացորդները առանձնապես շեն տարրերվում նախորդ կացարաններում հայտնաբերվածներից: Ուշագրավ է միայն քարե թասի կամ լայն սանդղի բեկորը (տախ. III № 3):

Երրորդ տեղամասի այլ հատվածներում կատարված ստուգողական աշխատանքները նոր կացարաններ հայտնաբերելու նպատակով ապարդյուն անցան: Այս հետազոտությունների հետևանքը եղավ այն, որ կացարաններից որոշ հեռավորության վրա (երբեմն մինչև 10 մետր) հայտնաբերվեցին չարդուտված խնցեղենի կուլտեր, որոնք բաղկացած էին հիմնականում կարասների կտորատանքից:

Այսպիսի պատկեր բացվել է նաև հյուսիսային իրաքի Զարմոց հնավայրում<sup>29</sup>:

Ինչպես երևում է շինարարական մնացորդների ուսումնասիրությունից, թեզուափի բնակատեղին բաղկացած է կլոր, կիսագետնափոր փոքրիկ կացարաններից ու պահեստ-հորերից, որոնք տեղավորված են բնակավայրի տերիտորիայում առանձին փոքրիկ խմբերով: Կացարանների միջև ընկնող տարածությունները, ըստ երեսովին, բակերի գեր են կատարել, որոնք շատ հարմար են նաև տնտեսական այլ աշխատանքների համար:

Թեզուափի բնակատեղին իր ընդհանուր պատկերով, շինարարական առանձնահատկություններով, կացարանների տիպերով ու հատակագծային նրբություններով նմանվում է Հայկական լեռնաշխարհի ու Առաջավոր Ասիայի վաղ երկրագործական տնտեսություն վարող ցեղերի կառուցողական պրակտիկայում իրականացված բնակարանաշինական ձևերին ու բնակավայրերի հատակագծային առանձնահատկություններին:

<sup>28</sup> R. Braidewood and Howe, նշ. աշխ., էջ 45.

<sup>29</sup> Նույն տեղում, էջ 46:

Բնակատեղիի կացարաններից մի քանիսի պատերը շարված են հարդախտան շաղախով պատրաստված ուղղանկյուն հարթ աղյուսների մի շարքով (2, 5, 13 և այլն), որոնք դրված են կողք-կողքի, այնպես որ բնակարանի ներսում ստացվի համեմատաբար հարթ մակերես ունեցող պատ: Աղյուսները իրար հետ կապված են 2—3 սմ հաստություն ունեցող կավացեխով: Աղյուսաշենքներում պատերը ներսի կողմից ծեփված են նույն բաղադրությունն ունեցող ծեփով, իսկ դրսից ամրացված են հողով: Այս տիպի կացարանների կառուցման պրակտիկան լայն տարածում է ունեցել Առաջավոր Ասիայի ու Հայկական լեռնաշխարհի նորքարեղարյան, պղնձեքարեղարյան ու վաղբրոնզեղարյան մշակույթի փուլերում: Նրանք հայտնի են Հին Պաղեստինի նատուֆյան հուշարձաններում (Երիքոն, Վադի Փալաճ)<sup>30</sup>, Հյուսիսային Միջագետքի (Իրաք) Հասսուննա I C<sup>31</sup>, Թել Արպաշխայի մինչ Հալաֆյան<sup>32</sup>, Թեփե Գավրայի XIX—XVII<sup>33</sup>, Նախիջևանի Քյուշ-թափայի Ի<sup>34</sup> շերտերից, ինչպես նաև Արարատյան դաշտի, Տերտերի ձոր<sup>35</sup> բլուր-բնակատեղիի ու Ղազախի<sup>36</sup> հուշարձաններից:

Բնակարանաշինական մյուս ձեզ թեղուսում ավելի պարզունակ ու հասարակ է և հիշեցնուած է պատմական Արևելքում գոյություն ունեցած շինարարական տեխնիկայի զարգացման ավելի նախնական աստիճանը: Այդպիսի կացարանների պատերը կառուցված են կավաշաղախով, որի հաստությունը չի անցնում 10 սմ-ից: Պատերը սահուն թեք անցումով միանում են կավով ծեփված հատակի հետ:

Կավաշաղախից պատրաստված կացարանների կառուցման պրակտիկան հանդիպում է Հյուսիսային Իրաքի Մլեքաթ Հուշարձանում<sup>37</sup>, Արարատյան դաշտի Աղվեսի-բներ բնակատեղիում<sup>38</sup>, Խաթունարիում և այլ վայրերում: Կավաշին կացարանների լավագույն նմուշները հայտնի են նաև Հյուսիսային Իրաքի Նախալեռնային գոտում դանվող Զարմո բնակավայրից<sup>39</sup>:

Թեղուսում դիտվում է նաև շինարարական մի հետաքրքիր մանրամասն: III տեղամասի պահեստ-հորի պատերը շարված են ուղղահայաց դրված աղյուսներով, իսկ II տեղամասի պահեստ-հորի աղյուսաշենքն պատերը ներսի կողմից ծեփված են կավով, որի մեջ կան կոտրատված ամանների բեկորներ:

Բնակարանների ծեփված պատերն ու հատակները խնամքով հարդարվել են: Մի քանի կացարանների պատերի ներքին մակերեսը ներկել են կարմիր ներկով: Հատակների վրա երրեմն հանդիպում են փուլած խսիրի դաշվածքի հետքեր:

Նման մանրամասների առկայությունը հաստատում է առաջավորասիա-

<sup>30</sup> K. M. Kenyon, նշան. աշխ., 6, and J. Mallaart. Earl. Civil. էջ 24, fig. 6.

<sup>31</sup> L. Lloyd, F. Safar, նշան. աշխ., էջ 274:

<sup>32</sup> M. E. Mallowan J. C. Rose, Prehistoric Assyria, The Excavations at Tell Ar-pachiyah, London, 1935, էջ 25—32:

<sup>33</sup> A. Tobler, նշան. աշխ., էջ 41—45:

<sup>34</sup> О. А. Абидулаев, Некоторые итоги изучения холма Кюль-тепе близ Нахичевани, СА, № 3, 1963, էջ 160:

<sup>35</sup> Ս. Սարգսյան Նախնադարյան համայնական հասարակարգը Հայաստանում, էջ 142:

<sup>36</sup> И. Г. Нариманов, Г. С. Исмайлова, ук. соч., էջ 149:

<sup>37</sup> R. Braidwood and Howe, նշան. աշխ., էջ 50—51:

<sup>38</sup> Ս. Սարգսյան, նշան. աշխ., էջ 147:

<sup>39</sup> R. Braidwood and Howe, նշան. աշխ.:

կան բնակչության նախասիրած սովորություններից մեկը ևս: Ներկած պատերով ու հատակներով կացարանների մենք հանդիպում ենք Երիքոնում<sup>40</sup>, Կենտրոնական Անատոլիայի Կոնիայի գաշտի Զաթալ-Շուլուկ<sup>41</sup>, ինչպես նաև Իրանական սարահարթի Թեփե-Միալկ Ա<sup>42</sup> բնակատեղիներում:

Առաջավորասիրական հուշարձանների շինարարական ձևերի ու բնակատեղիների հատակագծերի համապրությունը ցուց է տալիս, որ մեկուսի կլոր, կավաշեն ու աղյուսաշեն փոքրիկ կացարանների կառուցման պրակտիկան հանդես է գալիս վաղ երկրագործական նորբարեղարյան-պղնձեքարեղարյան բնակավայրերի (մ.թ.ա. 6—4-րդ հազարամյակների) վաղ շերտում: Սրանք տոհմական համայնքի զարգացման որոշակի մակարդակին համապատասխանող կառուցման են: Թեղուտի փոքրիկ Հյուղակները թերևս պատկանել են զուգամուսնական ընտանիքներից բաղկացած տոհմական համայնքի, որի անդամների թվական աճը մղում է դեպի մեկուսի կացարանների կառուցում և ոչ թե կենտրոնական կացարանին կից նոր բնակարանների կառուցումը, ինչպես այդ նկատվում է Միջագետքի, Հյուսիսային Սիրիայի առավել բարձր զարգացման մակարդակ ունեցող հուշարձաններում:

Նման իրազրությունը բնորոշ է տոհմական համայնքի զարգացման վաղ փուլերի համար, երբ դեռևս չեին առաջացել զերդաստանները և նրանց հետ կապված հասարակական տոհմական բավականաշափ բարդ հարաբերությունները: Այսպես, առանձին են կառուցված Երիքոնի մինչկերամիկական Աշերտի<sup>43</sup>, Հասսունսա C<sup>44</sup>, Թել-Հալաֆի ստորին<sup>45</sup> շերտերը, Ջեյթունի նորբարեղարյան կացարանները<sup>46</sup> և այլն:

Թեև թեղուտի կացարանների շինարարական ձևերը, բնակարանների հատակագծերը բավականաշափ արխաիկ են և նման վերը հիշատակված նորբարեղարյան հուշարձաններին, այնուամենայնիվ, ինչպես ստորև կտեսնենք նութեական մշակույթի ամբողջական ուսումնասիրությունից, բնակատեղին իր համընդհանուր անտեսական-մշակութային զարգացումով անկասկած ավելի բարձր էր առաջավոր և փոքրասիրական իր նախորդներից:

<sup>40</sup> K. M. Kenyon, Jericho and its..., էջ 185.

<sup>41</sup> J. Mellaart, Excavation at Catal Hüyük. Anat. St. V: XIII and Earliest civilizations. էջ 77—100:

<sup>42</sup> M. E. L. Mallowan, Early Mesopotamia and Iran, London 1965, էջ 35,

<sup>43</sup> K. M. Kenyon, Earliest Jericho, Antiquity, XXXIII, № 129, էջ 6—7.

<sup>44</sup> Lloyd and Safar, Աշ. աշխ., էջ 174.

<sup>45</sup> J. Mellaart, Earl. Civil..., էջ 122, նկ. 166:

<sup>46</sup> B. M. Macson, Новые раскопки, էջ 154—158: